

Katayni i niyaro' no 'Amis palafang

Makapahay nengnengen ko lislis no riyal i pasawali no Taywan, adihayay ko niyaro' no 'Amis itira. Saka, ano itira i sakapito anca sakafalo a foladan ko piliwko no miso i pasawali no Taywan, yo pisalama i lislis no riyal ato pinengneng to makapahay a tatapalan i, aka katawal tayra i niyaro' no 'Amis a mipalafang mikihatiya to kiloma'an no 'Amis, nga matongal ko fana' iso to serangawan no 'Amis.

Sa'ayaw, o Cidatayay hananay a niyaro' ko sasiwkayen no mako, itiya ho adihayay ko datay a kilangan i tira, mansa Cidatayay hananay no 'Amis a pangangan. Itira i satimolan no niyaro' i, ira koya kohetingay a ongcoy i riyal, mansa o “ kohetingay a ngoso' no ongcoy ” hananay no Payrang.

Itiya ho ko malitengay maolah a mitatodoh to ca'ang nora datay a kilang, ya 'atang no kilang i, o sapipakoheting nangra to wadis. Ano sakafana'aw kiso to sakahatini no liteng itiya ho i, tayra sa to i Cidatayay a milicay.

Roma sa to, ano sapinengnengaw kiso toya mahecaday to dinay a fakeloh i, tayra i Aw^awan palafang. I niyaro', ira ko dihaf, yo mita'elif toya dihif i, matengila:y to ko piaaw^aw no waco, anoca o ngiha' no roma a

pinanowang, saan, mansa Aw^awan hananay a pangangan tora niyaro'. Ano tayra kiso i, tengil han to haw kora ngiha' i dihaf, o aw^aw no waco han?

Ano oya kamaro'an no toloay a kawas ko katayraan no miso i, o pipasirian no 'Amis itiya ho kora pala, tayra sa to i Pisirian palafang.

O ngangan nona Pisirian to no Kowaping i, o kamaro'an no toloay a kawas hananay. Itiya ho, itiniay tona makapahay a pala ko aro' noya makakaolahay a kawas a tatolo, itiya ho i, o pipasirisirian aca no 'Amis korira!

Adihayay ho ko nga'ayay a pisalaman i pasawali no Taywan, kahirahira sanay ko rayray, likisi no kasaniyaro' itira. Katayni i niyaro' no 'Amis palafang, nga cipinang kiso to 'orip, serangawan ato pinangan no 'Amis, matongal ko epoc no piliwko no miso.

115 年全國語文競賽臺中市複賽臺灣原住民族語言朗讀文章 【馬蘭阿美語】 國小學生組 編號 1 號

歡迎阿美族部落作客

介紹 Taywan 東海沿岸的阿美族部落及其豐富的文化與傳說，鼓勵遊客在七八月觀光時參加豐年祭，增進對阿美族的了解。文中提到 Cidatayay 部落以七里香聞名，還有名為「烏石鼻」的黑岩和塗炭黑牙的習俗；石雨傘部落的 Aw<sup>ˆ</sup>awan 洞穴據說可聽見狗叫聲；三仙台則是流傳著神仙戀情傳說的放羊地。文章邀請人們走入阿美族部落，親身體驗其文化，讓旅程更有深度與意義。